



Na osnovu člana 22 Statuta Brčko distrikta Bosne i Hercegovine - prečišćeni tekst (Službeni glasnik Brčko distrikta BiH, broj 2/10), Skupština Brčko distrikta Bosne i Hercegovine, na 7. redovnoj sjednici održanoj 28. aprila 2021. godine, usvaja

**ZAKON
O DOPUNI ZAKONA O RADU BRČKO DISTRIKTA
BOSNE I HERCEGOVINE**

Član 1

U Zakonu o radu Brčko distrikta Bosne i Hercegovine (Službeni glasnik Brčko distrikta BiH, broj 34/19) iza člana 124 dodaju se novi članovi 124a i 124b koji glase:

**„Član 124a
(Privremeni premještaj u slučaju zamjene odsutnog radnika)**

- (1) Radnik može, po potrebi poslodavca, biti privremeno premješten na drugo radno mjesto, iste ili približne složenosti poslova.
- (2) Privremeni premještaj radnika vrši se u slučajevima zamjene odsutnog radnika, kao i u slučaju kada je radno mjesto upražnjeno.
- (3) Izuzetno se radnik, uz njegov pristanak, može privremeno rasporediti na radno mjesto niže složenosti poslova, za koje ispunjava propisane uslove.
- (4) Upražnjeno radno mjesto može se popuniti privremenim premještajem na period najduže do dvanaest (12) mjeseci, izuzev ukoliko radnik pristaje na duži premještaj dok se ne izvrši popunjavanje tog radnog mjesta, odnosno do povratka odsutnog radnika.
- (5) Poslodavac donosi odluku o privremenom premještaju u slučaju zamjene odsutnog radnika.

**Član 124b
(Utvrđivanje plate za privremeni premještaj)**

Plata radnika koji obavlja poslove koji su mu dodijeljeni premještajem, utvrđuje se odlukom o privremenom premještaju, u skladu s visinom plate i drugim materijalnim davanjima za radno mjesto na koje je premješten, izuzev u slučajevima kada je ta plata niža od plate koju je imao na svom radnom mjestu kada radnik ostvaruje pravo na visinu plate i druga materijalna davanja svog radnog mjesta na koje je primljen.,,

Član 2

Ovaj zakon stupa na snagu 8. (osmog) dana od dana objavljivanja u Službenom glasniku Brčko distrikta BiH.

Broj: 01-02-2005/21

Brčko, 28. 4. 2021. godine

**PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić**